

# 忠州直隸州志

忠州直隸州志卷三

四川忠州直隸州知州吳



壇廟 寺觀附

禱祠祭祀明德維馨禮儀既備于豆于登神道設  
教祭不欲䟽以明失得之報其教之本與志壇廟

第十一

社稷壇會典社稷壇制築治東坐南向北方二丈高  
三尺四出陛各三級壇前十二丈或九丈五尺東  
西南各五丈繞以周牆四門紅油人從北左門入

右門出石主長二尺五寸方一尺埋於壇上正中  
近南二尺五寸露圓尖於外每歲仲春仲秋上戊  
日清晨向南致祭牌位以木爲之高二尺二寸濶  
四寸五分座高四寸五分濶八寸五分朱漆青字  
社神位置東稷神位置西祭畢藏之忠州壇壝歷  
年舊在城東門外學宮下日久傾塌道光五年知  
州吳友簾重築之歲春秋二祭每祭銀二兩地丁  
銀支銷

儀注主祭長官行三獻禮餘官陪祭其齊戒省牲更

衣僉祝瘞毛血降神迎神盥洗奠帛初獻讀祝亞  
獻終獻飲福受胙謝神徹饌辭神望燎送神等禮  
俱與文廟丁祭同惟向南矮案無啟戶闔戶升堂  
改爲升壇奠獻帛爵先社後稷福酒福胙取社前  
者讀祝在壇之中

陳設祭用羊一俎豕一俎和羹登鉶一形鹽籩一薹  
魚籩一棗籩一栗籩一居左韭菹豆一醯菹豆一  
菁菹豆一鹿菹豆一居右中稻簋一梁簋一黍簋  
一稷簋一帛筐一黃色長一丈八尺酒奠三

祝文維某年某月某府州縣某官等敢昭告於

社稷之神曰維神奠安九土粒食萬邦分五色以  
表封圻育三農而播稼穡恭承守土肅展明禋時  
居仲春秋敬修祀典庶九丸松柏鞏磐石於無疆翼  
翼黍苗佐神倉於不匱尙饗

風雲雷雨山川壇會典壇築城之北郊如社稷壇制  
坐北向南人從南左右門出入無石主每歲仲春  
秋上戊吉日設三案安三神位風雲雷雨居中山  
川居左城隍居右清晨向北致祭忠州風雲雷雨

山川壇舊在城西雲根驛內歷祀風雲雷雨山川  
各神木主奉於壇中側室致祭之日安於壇中遇  
雨則遷主於鎮江王廟歲春秋二祭每祭銀二兩  
地丁銀支銷

儀注禮節與社稷壇同但臨祭時執事者先將毛血  
瘞於西北坎內通贊不唱瘞毛血一禮奠獻帛爵  
先詣風雲雷雨神位次山川次城隍次讀祝所福  
酒福胙於風雲雷雨前取之而望瘞改爲望燎  
陳設牲俎籩豆簠簋登鉶等器物與社稷壇同惟中

帛四左帛二右帛一俱白色長一丈八尺案用高  
棹

祝文維某年某月某州府縣某官等敢昭告於

風雲雷雨山川城隍之神曰惟神贊襄天澤福佑  
蒼黎佐靈化以周流生成永賴乘氣機而鼓盪溫  
肅攸宜磅礴高深長保安貞之吉憑依鞏固寶資  
捍禦之功幸民俗之殷盈仰神明之庇護恭修歲  
祀正值良辰敬潔豆籩祇陳牲幣尙饗

先農壇禮記祭統云天子親耕於南郊諸侯耕於東

郊今各省宜擇官地之潔淨豐腴者立爲藉田如  
無官地照九卿原議動支正項錢糧置民田以四  
畝九分爲藉田卽於田後建立先農壇神牌式樣  
高二尺四寸寬六寸座高五寸寬九寸五分紅牌  
金字填寫先農之神忠州先農壇舊在城東門外  
白水溪上計藉田四畝九分歲入租穀倉斗五石  
九斗五升供粢盛雍正三年二月經九卿奏定祀  
典知州董思恭重修正屋三間中祀神牌餘屋守  
壇農夫居之週圍繚以牆垣門南向兩里舊設八

品頂戴農官一名耕籍日齊集壇所承應牽牛扶犁等事今農官缺

儀注先期致齋二日祭日主祭官及各官俱穿朝服齊集壇前行三獻禮一切禮儀與文廟丁祭同祭畢更蟒袍行耕藉禮查會典九卿耕藉俱穿蟒袍補服用耆老一人牽牛農夫二人扶犁順天府廳及大宛兩縣各官捧箱播種各省耕藉除省城督撫大員各官依次遵例舉行外各府州縣正印官秉耒佐貳捧箱播種耆老牽牛農夫扶犁如無屬

員捧箱播種耆老農夫代之九推九返農夫終畝  
望闕行三跪九叩首禮是日知州兼未州判捧  
箱吏目播種俱九推九返農夫終畝每年耕藉日  
期及所收穀石并用過粢盛數目例於年底造冊  
報布政司送部查核

陳設查雍正三年奏定各省府州縣祭社稷壇所用  
品物刊圖通行在案今祭先農壇應照前社稷壇  
品物

祝文維某年某月某府州縣某官等敢昭告於

先農之神曰維神肇興稼穡粒我蒸民頌思文之  
德克配彼天念率育之功陳常時夏茲當東作咸  
服先疇洪維

九五之尊歲舉三推之典恭膺守土敢忘勞民謹奉  
彝章聿修祀事惟願五風十雨嘉祥恒沐於神  
庥庶幾九穗雙歧上瑞頻書於大有尙饗

農具牛隻籽種成規查九卿議農具赤色牛黑色籽  
種箱青色所用籽種悉照各該處土宜選擇勤慎  
農夫二名免其差役看守壇宇灌溉藉田地方官

不時看視查其力作收穫遵爲定制

厲壇會典載厲壇應設於城北郊京都名泰厲府州  
名郡厲縣名邑厲忠州厲壇舊在北門外日久傾  
壞道光五年知州吳友簾重建計屋三間每逢清  
明七月十五十月初一三祭共祭銀二兩在各祭  
款內撥支

儀注先期三日主祭官齋沐補服備香燭酒果詣本  
州城隍前行告祭禮一跪三叩首詣神位前獻爵  
復位再行一跪三叩首禮焚告祭文屆期知州率

領屬員請城隍鎮壇致祭各官詣壇所通贊唱主  
祭官就位行一跪三叩首禮詣城隍神前跪三獻  
酒復位讀祭文訖再行一跪三叩首禮焚祭文楮  
帛

陳設設城隍位於壇上豕一羊一葷素各十六金帛  
楮錢設無祀鬼神位於壇下左右相向三牲羹飯  
酒醴

祝文維某年某月某府州縣某官等遵承 禮部劄  
付爲祭祀本州闔境無祀鬼神等衆事欽奉

皇帝聖旨普天之下后土之上無不有人無不有鬼神  
人鬼之道幽明雖殊其理則一故天下之廣兆民  
之衆必立君以主之君總其大又設官分職於府  
州縣以各長之各府州縣又於每百戶內設一里  
長以領之上下之職綱紀不紊此治人之法如此  
天子祭

天地神祇及天下山川王國各府州縣祭境內山川及  
祀典神祇庶民祭其祖先及里社土穀之神上下  
之禮各有等第此祀神之道如此尙念冥冥之中

無祀鬼神昔爲生民未知何故而沒其閒有遭兵刃而橫傷者有死於水火盜賊者有被人取財而逼死者有被人強奪妻妾而死者有遭刑禍而負屈死者有天災流行而瘟疫死者有爲猛獸毒蟲所害者有饑饉而凍死者有因戰鬪而殞身者有因危急而自縊者有因牆屋傾隕而壓死者有死後無子孫者此等孤魂或終於前代或沒於近世或兵戈擾攘流移於他鄉或人煙斷絕失缺其祭祀姓名泯沒於一時祀典無關而不載此等孤魂

死無所依精魄未散結爲陰靈倚草附木或作爲  
妖怪悲號於星月之下呻吟於風雨之時凡遇人  
閒令節心思陽世魂杳杳以無歸身墮沉淪意懸  
懸而望祭興言及此憐其慘悽故勅天下有司依  
時享祭在京都有泰厲之祭在王國有國厲之祭  
在各府州有郡厲之祭在各縣有邑厲之祭在一  
里又各有鄉厲之祭期於神依人而血食人敬神  
而知禮仍命本處城隍以王此祭欽奉如此今某  
等不敢有違謹設壇於城隅置備牲醴羹飯專祭

本州合境無祀鬼神等衆靈其不昧永享此祭凡  
我一州境內人民儻有忤逆不孝不敬六親者有  
姦盜詐僞不畏公法者有拘屈作直欺壓良善者  
有躲避差徭靠損貧戶者似此頑惡姦盜不良之  
徒神必報於城隍發露其事使遭官府輕則笞決  
杖斷不得號爲良民重則徒流絞斬不得生還鄉  
里若事未發露必遭陰譴使舉家並染瘟疫六畜  
田蠶不利如有孝順父母和睦親族畏懼官府遵  
守禮法不作非爲良善正直之人神必達於城隍

陰加護佑使其家道安和農事順遂父母妻子保  
守鄉里我等闔州官吏如有上欺

朝廷下枉良善貪財作弊蠹政害民靈必無私一體  
昭報如此則鬼神有鑒察之明官府非諂諛之祭  
尙饗

雩祭 乾隆七年奉

旨頒行雩祭禮 每歲孟夏行常雩禮不另立雩壇卽

於先農壇行禮並合配社稷山川諸神牌位

祝文

乾隆九年

年月某官致祭於

社稷

先農

山川之神曰恭膺

詔命撫育羣黎仰體

彤廷保赤之誠勤農勸稼俯維部屋資生之本力穡服  
田令甲爰頒聿舉祈年之典惟寅將事用伸守土  
之忱黍稷惟馨尙冀昭明之受賜來牟率育庶俾  
豐裕於蓋藏尙饗

榮祭 乾隆七年奉

旨頒行榮祭禮 旱歲祭雩祈雨潦則榮祭城門祈晴  
祝文某年月日某官致祭於 城門之神曰

詔命臨民職司守土惟兆人之攸賴並藉

神功冀四序之常調羣蒙福蔭必使雨暘應候爰  
占物阜而民安庶其寒燠咸宜共慶時和而歲稔  
仰靈樞之默運聿集嘉祥襄元化以流行俾無災  
害尙饗

按雩祭有常雩有因旱而雩左傳龍見而雩註角  
亢見時周之六月也陽氣盛故雩杜預曰雩之爲  
言遠也遠爲百穀祈膏雨鄭康成曰雩者吁也吁  
嗟而請雨周禮司巫若國大旱帥巫而舞雩稻人

早曠供其雩斂是也。禋祭周禮黨正春秋祭。禋謂祭日月星辰水旱。春秋昭公三年冬大雨雹。左氏傳謂山川之神則水旱癘疫之灾。日月星辰之神則雪霜風雨之不時。於是乎禋之是也。又莊公二十五年秋大水鼓用牲于社于門。馬端臨文獻通考人雨禋祭國門州縣禋祭城門設神座皆內向。此禋祭城門本於左氏與周禮禋祭頗似不同。祭法國門國行皆有祭。初不因水潦而設。乾隆七年禮部議覆御史徐以升條陳祈雨事宜一摺奏準。

勅下各省督撫轉飭各府州縣孟夏擇日行常雩禮或有亢旱每七日先祭界內山川次祭社稷致齋虔禱雨澤不得用大雩禮亦不必另設雩壇卽於社稷藉田等處恪恭將事或靈潦爲災則伐鼓用牲崇祭城門以祈晴霽仍雨不止則伐鼓用牲祭於社毋庸於各壇祈禱若僧道建壇諷經乃宋時相沿於寺觀祈雨建置道場實非經義古制應停止

### 祠廟

關帝廟

在城內明萬曆五年建康熙三十一年乾隆六年重修

會典直省府州縣春秋二仲及仲夏中甸三日均祀

關帝廟均與祭京師廟儀同凡祀

關帝之禮歲以春秋仲月諏吉遣官祭

關帝於地安門外之西

關帝廟前殿後殿神位均南向前殿帛一牛一羊一

豕一鐙一鉶二簋二簋二籩十豆十尊一爵三鑪

一鐙二和聲署設樂後殿祭追

封三代公三案各帛一羊一豕一鉶二簋簋各二籩豆

各入尊一爵三鑪一鐙二祭日前後殿主祭官咸  
朝服詣廟贊引太常贊禮生各二人引由廟左門  
入分詣前後殿各升階至殿門外就拜位前北面  
立典儀生贊執事官各共迺職贊引生贊就位主  
祭官就拜位迺迎神司香生奉香盤進贊引生贊  
就上香位引主祭官由殿左門入詣香案前贊上  
香司香生跪奉香主祭官上柱香次三上瓣香贊  
復位引主祭官復位贊跪叩興主祭官行三跪九  
叩禮後殿贊引生引後殿主祭官詣三案上香行

二跪六叩禮奠帛初獻爵司帛生奉篚司爵生奉爵進至神位前司帛生跪奠帛三叩司爵生立獻爵奠正中皆退司祝至祝案前跪三叩奉祝版跪案左主祭官跪司祝讀祝畢奉祝版詣神位前跪安於案叩如初退主祭官行三叩禮後殿執事生奠帛獻爵司祝生讀祝各如儀亞獻司爵生獻爵奠於左終獻司爵生獻爵奠於右後殿以次畢獻均如初送神主祭官行三跪九叩禮後殿主祭官行二跪六叩禮有司奉祝次帛次饌次香恭送燎

所主祭官避立拜位旁東面候祝帛過復位引主祭官望燎告禮成引退後殿主祭官望燎引退如儀

前殿祝文

乾隆九年頒

維帝浩氣凌霄丹心貫日扶正統而彰信義威震九州完大節以著忠貞名高三國神明如在徧祠宇於寰區靈應丕昭薦馨香於歷代屢徵異績顯佑羣生恭值嘉辰遵行祀典筵陳籩豆几奠牲醪尙饗

後殿祝文 同前

維公世澤綿庥靈源積慶德能昌後篤生神武之  
英善則歸親宜享尊崇之報列上公之封爵錫慶  
攸隆合三世以肇禋典章明備恭逢諏吉祗事薦  
馨尙饗

國朝羅 情重修武廟記 凡事有興必有廢有廢  
必有興固矣然無強有力者矢志靡他擔荷於其  
間始終成之則亦聽之不可知之數而已烏能後  
先輝映哉忠州 武廟創自前明萬厯年間重修

於康熙初年規模宏敞金碧輝煌誠足肅將事以  
沐神庥乃歷年旣久住持無僧十餘年來敗瓦頽  
傾萋萋茂草嗟嗟以海內莫不尊親之神而殿  
宇忍令其漂搖也乎則重修以妥神靈宜亟亟矣  
雍正二年僧人海仙偕其徒寂成住錫於斯見此  
荒涼遂毅然以修葺是任或有謂功程浩大獨力  
難撐僧曰古不有所謂移山之愚公平漸而致之  
可也爰捐衣鉢金若干復托鉢於士夫者若干諏  
日鳩工創修大殿五間後殿五間樂樓一座大小

門二間左右官廳各三間禪室香積所俱備較前  
之勢將委草萊者不誠煥然一新哉雖歲月不無  
參差而功程先後告備迄今海仙圓寂其徒寂成  
爲廟住持晨鐘暮鼓香火不絕惟是從前之廢者  
至此而興今日之興又安保其將來不廢乎是所  
望於後之住持是廟者至於諸善士之樂輸者其  
姓名例書於碑陰

文昌宮

在郡東門外學宮右明萬厯二十八年建康熙八年知州劉肇孔重修乾隆十二年知州

五爾卿格補修嘉慶九年知州李凱更今制道光五年知州吳友簾率紳士重修

嘉慶六年五月內奉

旨

文昌宮仿照關帝廟定制列入祀典前殿牌面

寫文昌帝君神位後殿牌面寫文昌帝君三

代尊親神位每歲春以二月初三日聖誕爲祭

期秋以欽天監選定吉日爲祭期陳設儀注與

武廟同

前殿祝文

同時  
頌

維神蹟著西垣樞環北極戴匡麗

耀協昌運之光華累代垂靈爲人文之主宰扶正

久彰夫感召薦馨宜致其尊崇茲屆仲

春秋

用昭特

祀尙其歆享鑒此精虔

後殿祝文 祭引先河之義禮從反本之思矧夫世  
德彌光延賞斯及祥鍾累代炯列宿之精光化被  
千秋偉人文之主宰是尊後殿用答前庥茲值仲  
秋春肅將時祀用伸告潔神其格歆

明田登年修文昌宮記 文昌爲天上六星在北斗  
魁前古未有祠而祀之者祀之自前元順宗延祐  
三年因梓潼神張亘子嗣代顯聖由英顯王加封  
輔元開化文昌司命祿宏仁帝君號而道家又謂

上帝命梓潼掌文昌府及人間祿籍卽以文昌司祿封之天下學校遂立祠以祀迨仁宗以文昌司祿改封而人遂得以文昌稱天下祠而祀者亦皆以文昌宮三字額之忠州地處邊徼邇來人文蔚起俊秀挺生士生其間莫不彬彬然有鄒魯風萬曆二十六年三月三日同人伯子之馭任子處守劉子景東等相與謀曰今天下郡邑皆祀文昌神矣使吾郡缺焉不講亦不足妥神靈而齊士心於是伯子先捐錢二十千擇吉鳩工相度於學宮之

左任子劉子暨三稟急公之士或破囊首倡或持鉢勸募自官吏師儒及州里誦讀之家集腋成裘聚流成海計入銀三百六十兩有奇錢一百二十三千七百有奇役木石土工共三千五百有奇創立大殿三間後殿三間前後左右官房各二間擊土豎楔共五百二十七日同人於神誕日衣冠趨蹌齊來落成伯子曰是舉也不可以不記余適奔走於同人後遂喟然曰是不可以不記雖然司文昌者神也祀文昌神者我也使在我事事可質諸

神明祀之可也不祀之亦可也使在在不可以質  
諸神明祀之且不可也永而祀之更不可也神乎  
其果以祀之而卽降之福乎士如自命不凡方將  
空前軼後爲國家儲柱石之用又區區僅邀福於  
文昌神而思以文章報國者哉是爲記

國朝李 凱重建文昌宮記 蓋聞神道設教古聖  
人治世之一端所以禋望遍及於羣神祀事必昭  
其誠敬舉凡有功於國有澤於民者莫不臚列祀  
典俎豆春秋 梓潼文昌帝君司祿命之權彰陰

隲之報聲靈赫濯久著寰區庚申春教匪竄近梓  
邑 帝君顯靈默佑賊不敢犯境爰奉

命照 關帝廟體制崇祀此誠我

皇上答神貺勤民事之實心卽立人極端治術之實政  
凡有守土之責者敢不欽承

聖諭崇奉益虔州之東門外向有 文昌宮一座規模  
湫隘廊廡圯頽春秋祭日設醴陳牲趨蹌將事動  
形踣躋實不足以昭典禮而壯觀瞻余下車之始  
卽志在建修每念信而後勞之義尙未敢輕用民

力也越一年州人咸知此意一時急公樂助者則  
有生員陶大年監生陶大中崇八甲民陶大道陶  
大榮陶美士陶大富陶大文陶世聰陶國士陶世  
益等共捐銀一百零八兩敦三甲民張天喜張天  
秀張天常張一靜張一泰張一祥張統緒等共捐  
銀五百九十兩敦七甲民葉乾坤葉乾有捐銀二  
百兩庀材鳩工經營半載而工始竣其不敷之費  
四百九十六兩有零悉矣捐廉補濟不欲遍募鄉  
里者慮其煩瑣滋事也不欲假乎胥役者慮物議

之紛紜也共計正殿後殿祭殿各三楹前有官廳  
後有僧房門垣廊宇畢具廟貌闕厥祀事孔明官  
吏士民咸稱善焉惟是土木之工至爲瑣屑而州  
境工料價亦頗昂其有事涉簡陋未能一律工整  
者則限於匠藝之未精財力之有限余魏將赴部  
引見有志未逮心實歉然吾知後之牧斯地者  
必與余有同心將見式廓輝煌爲殿宇增培修爲  
僧人籌常住所以仰體

聖天子崇尚禋祀之至意並爲閣境士民迓靈貺於

無窮者正未有艾又豈僅余之瑣瑣計畫者而已  
哉是爲記

廟田二處一在崇七甲地名文家溝係前明萬厯年  
間創廟後得買文一位田地一分明季爲聶聰文  
仕龍霸佔康熙十八年經生員易協吉熊宣等控  
案爭回歲收租穀十四石 一在敦五甲地名龍  
池河係佳持僧圓修去錢一百五十千得買何王  
氏同子何柄田地一分每歲收租穀五石

城隍廟

在郡城內創時無考順治二年重修康熙三十七年復修乾隆二年知州五爾卿格更新

之乾隆三十  
五年復修

會典直省府州縣歲清明節七月望十月朔日祭  
厲壇於城北郊前期守土官飭司具香燭公服詣  
廟以祭厲告本境

城隍之神上香跪三叩興退至日所司陳羊三豕三  
米飯三石尊酒楮帛於祭所設燎鑪於壇面黎明  
禮生奉請

城隍神位入壇設於正中香案一鑪鐙具贊禮生二  
人引守土官公服詣神位前贊跪守土官跪贊上

香守土官三上香贊叩興守土官三叩興退執事  
者焚楮帛守土官詣燎鑪前祭酒三爵退禮生仍  
奉

城隍神位還廟各退

火神廟

在城隍廟毗左乾隆五十五年知州吉興建道光五年知州吳友麓重修

會典每歲以季夏吉日致祭司火之神今秋並祀

祭品 帛一羊一豕一果實五盤尊一爵三

儀注 主祭官補服蟒袍行二跪六叩禮迎神上

香奠帛讀祝三獻爵送神望燎告禮成退

祝文 維

神德著離宮光昭午位廣陽亨之運象啟文明彰  
燮理之能功參化育土以生而水以濟丙丁之大  
用常昭府既修而事既和虞夏之九功惟敘麗茲  
萬物實賴化成乂我生民咸資利用仰邀神貺虔  
答鴻庥爰遵祀事之儀式叶春禮之典肅陳牲幣  
敬布几筵尙饗

龍神祠

舊在郡州北門外乾隆四十一年知  
州觀音保移建於東門外土主廟右

會典每歲春秋仲月諏吉致祭

祭品 帛一羊一豕一果實五盤尊一爵三

儀注 與火神廟同

祝文 維

神德洋洋寰海澤潤蒼生允襄水土之平經流順軌

廣濟泉源之用膏雨及時績奏安瀾占大川之用

涉功資有物欣庶類之蕃昌仰藉神庥宜隆報享

謹遵祀典式協良辰敬布几筵肅陳牲幣尙饗

真武廟

在州西門外一名水府台建時無考乾隆四十二年重修後毀於火僧人清泰重修道光

三年又燬於火

會典每歲春秋仲月諏吉致祭

祭品

核桃荔枝圓眼棗栗

五盤

饅首

五盤

蒸糕

五盤

餅

四盤

高頂

一盤

茶棧

三鑪

一鐙

二

儀注

蟒袍補服行三跪九叩禮

祝文

維

神根源淨樂道契元冥鎮茲坎位濟彼離明星旗

彩煥寶劍輝騰昭回全蜀佑庇蒸民茲屆仲春

春秋

維神降靈致詞申禱率屬恭承鴻慈永賴裁禋靡

興戶沾德澤城息爰氛金湯鞏固閭里清平神民

共保遐邇胥欽致虔致敬來格來歆尙饗

呂祖祠

州治向無專祠道光五年知州吳友簾於陸宜公祠側重修崇極樓權塑神像於樓祀之

嘉慶十一年奉文加封尊號載入祀典

欽定燮元贊運四字加於原銜之上設立牌位建祠崇

祀每歲二月初四日八月初四日致祭

祭品

核桃荔枝圓眼棗栗

五盤

饅首

五盤

蒸糕

五盤

餅

四盤

高頂

一盤

茶棧三鑪

一鑪

二

儀注 與真武廟同

祝文

勅封燮元贊運警化孚佑真君曰維

神法判五雷道通三教金闕選仙掃魑魅魍魎之  
怪玉清內相溥風雲雨露之仁術傳無極子啟河  
洛之苞符易註壽山堂演乾坤之著策屢徵聖蹟  
應答神恩茲居仲春用昭時祀庶幾歆享益鞏固  
夫

皇圖爰矢精虔冀降康於億兆神其來格鑒此饒馨

昭忠祠

在城東門內嘉慶六年知州趙來震捐俸建  
修道光元年知州李紹祖重修內祀忠州並

鄧都塾江梁山連年殉節  
紳士兵丁鄉勇姓名木主

忠州知州王公垂重文生杜華南武生廖三華梁山  
把總龍廷貴舉人柳敬承廩生范元祥生員秦繼  
宗劉正色武生謝在學生員毛鳴山劉棟熊天聰  
武生謝寶樹陶天碧胡呈監生蕭成祿周愛尹易  
連山武生張大堯監生雷成電周道明王天智義  
勇盛世福

以上殉節紳士俱於嘉慶六年奉

旨入祀昭忠祠

忠州營陣亡兵丁聶登仲周廷選呂崑山陳萬全曾

元龍謝陞田啟元彭名陞汪永福田明玉黃中林  
趙應陞范啟貴李之貴日啟高邱榮貴王世得劉  
貴冉之炳

以上陣亡兵丁俱於嘉慶六年奉

旨入祀昭忠祠

忠州連年禦賊陣亡鄉勇謝國恩姚四謝天成姚文  
書姚三謝天秩姚石寶姚應林張登秀張登泉張  
賢臣張國華張學品張登明劉桂一謝大發田登  
寧謝文明謝朝棟謝德富楊國珍楊正坤杜孔雙

田茂士陳大貴張統智馮應明王金甲楊睿士向  
萬益向應富向應華周泳長陳三元袁學益袁學  
陞鄭中貴鄭中信周安吉周安殿譚廣大黎高文  
黎正國譚乾瑞譚得梁江萬清石成芳田登仁匡  
世奇唐學禮劉世榮胡泰亨楊學賢肖學恕張合  
仁許正福王俸王邦伸張松梁有虞李廣盈梁琴  
何天第張天錫張天榮張一潤葉國佑張應年譚  
谷高張益簡張益奇功魁元顧大年陳國才鄭  
近猷熊正秩陳文泰劉盛元方占魁張正榮潘貴

楊仕珍張治明邱永國朱啟貴李善福孫惠楊朝  
謨劉君周劉先明周世榮侯應雄胡仕清肖仲舉  
秦明王福朝邱永壽楊邦顯張松余丁友張陞田  
榮廖德華陳元黎大德莫文魁趙貴黎文佐易祥  
郭大文胡學詩樊祥鄧成喜李貴陳貴徐紹奇肖  
光榮宋泰余思金李富德廖三喜熊文盛彭長富  
欽俸沈文達江有學楊芳梅楊芳俊楊登朝楊正  
紀戴學泗袁芳芝袁光開顏大坤陳天龍潘應崇  
葉明陽姜大珙丁二郭子厚饒永佐郭文榮王邦

星郭文禮郭文榜王邦道郭永福郭永岱冉玉山  
張士濟袁光弼鄒成龍王誠顏仕福肖文聰王子  
惠王世珩羅榮貴肖貴葉貴譚正文張文耀藍三  
魁李仕龍黃正華龔貴鄧富冠丙祥皮國堯劉光  
萬陳宗益劉宗富

鄧都縣禦賊陣亡鄉勇軍功蔣明斗熊宇安寨首隆  
復周袁安鄉勇閔正川張甫王嘉瑞藍世遠藍成  
主藍玉安王大仕王述王成文正相何可道熊朝  
碧陶全富黎文朝李國相李時可李天元李天玕

李天富卽正祥古正容吳廷魁彭作謨姚永寧李  
乾睿霍文元黃國龍羅冲崑鄒世傳冉仕元彭自  
成徐正常曾貴譚光清楊純儒陳紹虞張志元陳  
紹唐朱山張正祿李見遠鞠志仁李芳彭紹獻楊  
光泰彭世魁譚廷見譚光星張順黃倅化黃德遠  
戴進友白國彥李汝瓊戴倅音向應爵熊起何國  
文劉長義蔣文槐熊紹華陳朝起戴灼然陶思才  
黃一貴彭龍熊貴鄧林熊文

墊江縣禦賊陣亡鄉勇卽正谷熊芳恒谷豐劉文辛

文龍張倬汪紹南盛天文楊仕富汪明剛王仕有  
余載來胡世榮皮正芳王天忠劉世進謝柄鈔皮  
榮祥王世貴劉朝聰劉世虞向文貴沈極石正邦  
李陞余思道陳大望胡緯郭文斗王世奇李稅江  
繼常陳紹堯李錫孔萬清王登宇皮鳳祥鄭貴黃  
澤萬陳文達劉開榜黃有文劉貴曹廷瑞汪世奇  
鄒榮夏東正王騰霄徐榮周正圻范登甲呂學孔  
鄒莫年黃文才李貴鰲宗富周洪蔡仕英楊朝官  
曹大珍熊仕倫宋世貴張全壽祝學號李必貴李

秀馮彪雷天一沈運新滕成俸陳天柱陳槐項宗  
榮洪潤清江貴胥正工謝天元雷梁吳貴冷伯夷  
江貴左富禮陳順楊正學劉尙富羅萬泰劉尙榮  
李應高皮登俸徐順夏洪陞黃瑜陳化進潘文德  
譚仕松袁朝劉榮海雷惠張陞向有劉成宗孔繼  
李興龍陳維剛陳大勝莊正貴莊正連周仁勲徐  
亮有余正奎况朝貴陳大榮吳大志胡宗福盧可  
人盧維藩楊茂盛吳仕閏胡洪胡奎劉以慶謝四  
黃平達陳林肖如珠徐德勝王奎徐大喜高學顯

吳仕珠吳仕亮鄧二本唐志仲姜德唐國相李敬  
武皮有連

梁山縣禦賊陣亡鄉勇軍功王曰富王學禹唐永魁  
唐永紹唐容唐一智蔣一禮萬俸山張國寶毛友  
滔陳大陞文伸劉心才張家亨周振萬余文龍唐  
亮寬彭宗泰王萬祥田多能鄧祖貴聶成明廖思  
順胡肇登陳才福李佳祥張崇舉袁德盛李光熹  
楊正貴袁貴張其書李古相夏金安廖洪思李承  
佑孫明貴張相王洪恩林光才會貴杜正坤王鶴

山王安國龔登榜王陞彭學宗余世貴賴華顯扈  
之純余廷遠袁俸扈之寵洪泰劉元周國才從九  
品熊均衡姚貴劉洪張貴黃端仁張大貴唐子達  
郭泳貴胡元李奇胡潔齋蘇世宗洪玉曠應龍馮  
貴譚德陞楊陞陳正浩彭興王成清余正槐龔之  
茂魯春游陞冉光相楊正紉譚資楊文謝忠盧先  
趙貴黃鼎鉉賀廷華凌轅祝成梁程世奎王開學  
凌心達張自達廖百爾周大文蔡顯伯張長兒陳  
材詳羅文林黃杞連王文虎唐良欽徐文夙劉月

永曹心友唐正祥王思良祝天佑彭朝士文天玉  
文天奇龍朝富宋起貴唐良龍陳錦宗唐永延唐  
良華蔣洪治唐如秀英維宗黎其富黎其倫英文  
開葉文邦葉文思黎長見呂瑗魁唐永致劉學書  
鄭世祥張世林李大達王順德陳貴楊泰江文吉  
吳坤王文柏林秀聶仁貴黃德貴游林胡九連李  
陞江文光祝正明鄧貴劉文章陳宣劉祥張明馮  
貴陳有昭王正祿扈有順劉大學李恒蒲貴支貴  
鄒興隆卜華劉相成雷陞周學榮孫烈李文才陳

天祥鄭國秀徐家相曹世連向英善譚紹武孫廷  
海藍正富何瑞文曹祥和曹世安肖在廷劉朝海  
謝倫黃世德黃代科黃老么黃天熹王同普扈忠  
雷廷彭仕友唐大倫任正發蔣明遠羅本忠吳必  
海吳仕河方可珍楊榮劉思榮謝俸余貴張陞陳  
啟富鄭彪張發遠李元魁鄭繼賢楊維朝呂廣才  
盛龍高過文學劉貴余代一李元祖謝宗富何永  
祿唐正乾袁學祥李一位杜正仲蔣有文田長發  
鄧正邦王永福李貴李德才朱世清王文章李學

祖馬大學周延珍張興才劉龍熊飛涂端譚文榮  
曾會禮唐仕秀謝地選吳正位肖三保向英鳴莫  
萬思莫長見莫國均曹祥瑞卜學成石文成余成  
俸鄧富祖李友科陳作周魯星昭張一名毛清譚  
老大熊懋王老五鍾二保王代榜梁仁德梁仁化  
周榮華周昌秀劉忠仁趙乾林學海范占鰲劉忠  
義楊化玉戴思志高蘭劉忠禮湯國權戴老大張  
文祥劉正乾鄧佳明設丑魁設國蘭劉朝珍設景  
獻曾三熊長軍功吳泰李文魁邱光前李朝棟謝

永軍義勇王文貴

忠州梁山陣亡書役刑書盛世隆差役張正儒李長  
青李貴劉迎香謝貴戴進明陳瑞

以上殉難兵丁鄉勇書役俱於嘉慶六年奉

旨崇祀入祠

祭品羊一豕一菓供五器奉酒醴錢帛春秋兩祭由  
欽天監選擇奉文致祭祭銀六兩在於建曠項下  
動支年底造冊報銷是日黎明率屬文武官員并  
穿蟒袍補褂行一跪三叩禮

祭文

維大清某年月日四川忠州直隸州知州某

等致祭於前權忠州事王公暨殉難紳衿鄉團諸  
壯士之位前曰維公萃東魯之靈異作南賓之屏  
藩有勇知方教旣深於訓練舍生取義氣更烈於  
沙場惟其忠愛居心不愧唐宋名將所以士民向  
義直追周漢忠臣緬節烈如生宜下昭忠之

詔慨義士同燼咸邀配享之榮

頒

祀於廟中用酬精魄慰忠魂於地下爰事

春秋

嘗尙饗

相國祠

在州署大堂左道光三年知州徐陳謨建

桓侯祠

在郢城東門內道光五年重修

軒轅廟

在城內羅家牌坊嘉慶十一年建

羅祖廟

在城東門內嘉慶二十年建

福德祠

在城東門內道光元年建一名財神廟

禹王宮

在城北門內湖廣會館

許真君廟

在城內丁字街即江西會館

帝主宮

在城南門內即黃州會館

鎮江祠

俗名王爺廟一在城中南門內一在城東門外一在雲根驛

晏公祠

在城東門外

封 底